



Ассаламу аьлайкум, дустал!

# ХЪЯХЪА БАРГЪ

Лакрал райондалул жамятийсса ва сиясийсса кказит

«ЗАРЯ»

Нюжмар  
12 февраль  
2016 ш.

№ 6

gazetazary@mail.ru

Интервью

## Дагъусттан хъхъичунмай бансса ПРОГРАММА

**Юсуп ХIамидлул арс!  
Ина вичIи дирхъунни РД-  
лул БакIчинал Халкъуннал  
Мажлисрайн дурсса Рисала-  
лух, яни Рамазан Аьвдулла-  
тIиповлул иттату-иттав  
бувсса ихтилатрах. Цукун-  
са асар биври вин муння,  
хаснува зунттал районнай-  
са иширттацун бавхIуну?**

Мяйжаннугу мунал цала ихтилатраву гьарца мурицIий авцIуну чIалачIи дунни республикалий дусса тагьар, гужми ва хIурами кIанттурду, махъсса 3 шинай хъусса хъхъичуннайшивуртту ва даханашивуртту, биттур къавхъусса масъалартту.

Хъхъичуннайшивурттурив къачансса хъуну дур. Яла хъунмур Дагъусттан оьккимуння марцI буклакаву, цIубуклакаву.

Рисалалул гьарца махъ, предложение мягналул вирдурцIусса, бюхханну, бувчIинну хъанахъимур хIисавравун лавсъсса дия. Му хъанай бур республика хъхъичуннай даврил цIаний сакин бувсса документ, 2016 шинаву дуллансса давурттал программа. Цуппагу биттур къабувну къабитантIисса.

Муишчала Республикалул бакIчинал бившунни влаьтарал гьарцагу структура зуаврин къимат, чIалачIи бунни хъхъичI ххуттаву ласунсса масъалартту.

Хъуннасса къулагъас Рисалалаву республикалул БакIчи дуллау ур зунттал районну ччаннай дацIан даврих, хаснува чялишну зун багълай бур шярваллил хозяйство цIакъ давриха. ЦIанасса чIумал амну республикалий ш/хозяйство 100-ния ливчусса процентирттал ларай шаву му хъинну чIивисса хъит учавури тIий ур. Аьркинну бур яла чанну 150хъул процентирттал хъхъичунмай хъун, чил билаятирттая дукиялул продукция къаларсун, жуламиннуй ялапар хъанан.

Му бакъассагу районнай цIубуккан бан багълай бур бут-



тахъал пишарду, касмурду, цIанасса чIумал аьркин хъанахъиссар санятру, миннухун жагъилми бичинсса гъира, шартIру дуллан.

Республикалул бакIчинал аьшуйн шусса тIалавшинну дунни аьршарал реформа даврил, шярвалурду цIудуккан даврил, бизнесрал, багъ-бахчарду чIяву баврил, ризкъи ябаврил, миннухун багълагъиминнансса ххулурду тIитIаврил чулухуннай.

Хъунмасса бутIа Рисалалаву бугълай бур агъалинал мюхчаншиву дуруччаврин, терроризмалин, экстремизмалин къаршину республикагу, цила миллатгу, буттал кIанугу ххирами, гьарцагу къуллугъчи, оьрчIашал зузими цацIуну баруну бацIан багълагъишиву бувчIин буллау. Хъуннасса хъхъичуннайшиву - республикалий махъсса 2 шинай террактру къашаву.

Террордания нигъ дакъасса, рахIатсса шартIру дусса чIумалли республикагу, бизнесгу, обществогу, агъалинал ахIвал-хIалгу хъхъичунмай шайсса.

Дуккавриясса тIалавшинну Рамазан Аьвдулла тIипов ккаккан дуллау ур качественыйсса ва цIанасса заманалун жаваб дулунсса, хIакъсса дуккаву дачин даву.

Районнал бакIчитурая тIалав бунни чIявучил спорт

хъхъичуннай даву, ГТО-рал давуртту ччаннай дацIан даву, ва.м.ц. ХIасил, Рисалалаву кIицI къалавгсса, аьшуйн шун къабувсса инсаннал оьрмулул цавагу бутIа къаливчIунни, анализ дунни гъаца сфералаву ци даража буссарив, ялун бучIантIимуниву бакIрай бацIансса кIанттурду цумирив ва м.ц. Аьркинну бур утти хъиннува чялишну, захIатматсса замана бувкIунни къатIий, кIицI бувмур биттур бавриха чялишну зун.

**Республикалийгу, шала билаятрайгу яла буруккин бутлатими баларду цIана терроризм, экстремизм бур. Вай масъаларттайн къаршисса райондалул комиссиялийгу инава каялушиву дуллау ура, дуллалисса давурттугу диялсса дур. Ялагу вила пикрилий ссайн къюч бигъин багълай бур вай оьбаларду бугъ булланшиврул?**

ХъхъичIва -хъхъичI хъирив лавсъсса, балжисса давуртту дачин дан дур террорданиян къаршисса идеология дачин даврил цIаний. ТачIав хIура дуккан дитан дакъар личIлулшиву, аьйхI тIутIаву. Яла оьккимур - кIихIуллашиву. Террористурал идеологиялуяр мунин къаршимур идеология хъхъичун дуккансса, чIявучил лаласунсса (хаснува жагъилмин-  
(Ахир 2 лаж.)

Дагъусттаннай

## Бахшиш - райондалул бакIчинан

Январьданул 26-ний МахIачкъалалив хъунни РД-лул БакIчиналIасса образованиелул, культуралул, жагъилминнашалсса политикалул, физкультуралул ва спортрал Советрал ва РД-лул БакIчиналIасса муниципал районнал ва шагърудал округирттал бакIчитурал Советрал цацIусса заседание.

Муний ххалбивгъунни аьмсса, дянивсса даражалул пиша лахъхъин байсса ва ларайсса даражалул образование дулайсса организациярал специалистал хIадур байсса системалул даву ххуй дансса ххулурду.

Заседаниелул ахирданий дуллуни республикалул БакIчинал Указрай ккаккан дурсса хIурматрал грамотарду ва хIурматсса цIарду.

«Буттал аьрши ххирашиврухлу» тIисса хIурматсса цIанин лайкъ хъунни Лакрал райондалул бакIчи Ю.ХI.МахIаммадов.

## ХIукуматрал бахшиш - Кумав!

РД-лул ХIукуматрал бахшиш «Душа Дагестана» дуллуни республикалул культуралул Министерстволлий культуралул зузалтран. Премиялул лайкъ хъунсса заяварду гъан дурну дия 20-ния лирчусса районная ва шагърудая.

Лайкъ хъуминнал цIарду ришлай бия цIадурксса искусствоведтал, этнографтал, фольклористал, музыкантгьтал, хореографтал, театроведтал цацIун хъусса комиссия. ХIасиллу дайхту, 8 номинациялуву бахшишран лайкъ хъунни культуралул 15 зузала.

«Душа Дагестана» бахшишран лайкъ хъуминнавух ур жула райондалийсса Кумиял шяраватусса кулпатрал ансамбльданий каялушиву дуллалисса ХIажимахIаммад МахIаммадовгу.

Барча дуллау бур ванал бахшиш!

## Цалчинсса ректор - лаккучув

Январьданул 27-ний вузрал биологиялул корпусраву увчIунни Дагъусттаннал медициналул академиялул ректор.

РФ-лул Минздраврал аттестациялул комиссиялул хIукму бувну, вузрай каялушиву дуллан бувчIин личIи увну ия шама инсан: Сулайман Маммаев, Наби Оьмаров ва МахIаммад ХIамидов.

БувчIавурттал цалчинмур турнирдаву къатIув ливчIуна чансса чIурду лавсъсса Н.Оьмаров.

КIилчинмур турданул хIасиллу дурну, чIявуми чIурду (165) хъуна Сулайман Маммаевлухлу. Ва хъунни дагъусттаннал вузирдаву ректорну увчIусса цалчинсса лаккучув. Ванал ппу, Нураттин Маммаев, оьрмулул хъуминнан дакIнийссар, хъхъичIунну МГУ-рал математикалул факультетту бувккуну, Гъумучиял школалий чIярусса шиннардий дарсеру дихълай ивкIса цIадурксса математикалул учитель, цувагу Читтуратусса.

ТIайлабацIу баннав Сулайманнун цIусса къуллугърай марцIну зун!

Спорт

## Хъхъичунмай нанисса боксертал

Ялу-ялун жула райондалул спортсментурал зоналул, республикалул лагрулийсса соревнованиярттай гьуртту шаву хъунна хъанай дур.

Вана, январь зуруй зунттал цаппара районнал дянив хъанахъисса боксрал турнирданий Ахъушав гьуртту хъуна ТIагъиров Булгани -ГъунчIукъатIату, МахIаммадов ДинмахIаммад -Ккурклияту, Султанов ТIинамахIаммад -Гъумучату.

Микку Булганинал бувгъуни 1-мур кIантту, ДинмахIаммадлул 2-мур кIантту, ТIинамахIаммадлул 3-мур кIантту.

Январьданий Буйнакский хъуна А.Нуриевлул цIанийсса боксрай буккаврил турнир. Микку Булгани ТIагъировлул бувгъунни 2-мур кIантту.

Утти февральданул 1-ния 4-нин Буйнакский хъунни зунттал зоналул турнир 2002-2003 шинал бувсса оьрчIал дянив. Миккун жула райондалия лавгссия 5 спортсмен.

Миккугу жула спортсментурал бувгъунни 2-мур кIантту: ТIагъиров Булганинал ва Буттаев Мухтардул.

Ш.Ханов, ДЮСШ-лул директор.

## Дагъусттан хъхъичунмай бансса ПРОГРАММА

(Дайдихъу 1 лаж.)  
нал), давурттугу, бувчин ба-  
вуртту дуллан багълай бур нит-  
ти-буттахъалгу, школардайгу,  
администрациярдалгу, культу-  
ралул, диндалул идарартталгу,  
гъарца хлукуматрал хлакь бив-  
хъусса къуллугъчиналгу, цин-  
яналгу. Хаснува -школарт-  
тай.

Террористуравуми жула  
оьрчIру, жучIава дуклай, тар-  
бия хъанай бивкIми бакъарив,  
ми ссаврунная багъсса бакъ-  
архха! 800-хъул Сириянува  
террористурашал уртакъну тал-  
лан лавгминнаву лагу къачан-  
сса бусса бур. Жула оьрчIру  
баккава - му жучIара аьркин-  
саксса къулагъас къадуллау  
бивкIшиврул хIасилли.

Школарттай гужлан дан  
багълай бур оьрчIру захIмат-  
рахун, спортрахун машхул бав-  
рил, оьнма къабитаврил давур-  
тту. Хаснува дуклаки оьрчIа-  
ву цала оьрмулуву цумур  
пиша язи бугъантIий урив, му-  
наву цумур чулухунмайсса  
пагъму ххисса бурихIул баву  
(профоринтация). Циняв ххуй-  
ну дуккулт бакъархха. Школа  
къуртал баннин дуклаки оьрч-  
Iру цин лавхъхуну цания -ца  
пишалул, сантярал хъуну, цан-  
масса маэшат бан шайсса да-  
ражалин биян бан багълай бур.  
Миннан жучIара дуллансса  
давуртту лякьинтIиссар. Циняв  
багъандаранну ВУЗирдавун  
бувххун ци шайссар? Ххуйсса  
пишакар ччинаяргу ххуйну  
ялапар хъунай ур. Мунияту  
школарттачIа дусса аьрщарай  
ахънилсри ххяххан дуллан,  
мурхъру бугъан, миннуха  
школьниктал зузи бан чара  
бакъа аьркинну бур. Мичча  
дуркIмургу цанна дулунсса  
икъралданий. Му чIумал жа-  
гъилсса никиран аьрщараха  
зунсса гъира багъанссар, сант  
лахъхьинссар, цанмагу маэшат  
хъунссар. Ва тIалавшин дир-  
хъуну дуссар гъарца школалул  
каялувчитурал хъхъичI.

Террор дакъассагу хлуку-  
матрансса захIматшиву, бюд-  
жет ссуссуку хъанахъаву хъа-  
най дур кривсрацIун, санк-  
циярдацIун бавхIуну. Мунил  
бъавкъусса цавши гъарцаннай  
цилай бур. Мунияту налогру  
дучIансса зунсса кIанттурду  
гъарза баву, «ххютлу» диркI-  
сса экономика аьлтту даву,  
гъарца ишбажаранчинал дагъ-  
айсса налогру дулаву, дулун-  
сса гъира миннаву личIаву,  
сияхIрай бишаву - вай чIумул  
тIалав буллалисса чара бакъ-  
асса масъаларттур.

**Районалий датIайсса  
налогру шиня шинайн чIя-  
ру хъанай дур. МукъцIал-  
лий ряхва ва бачIи милли-  
он налогирттал батIин  
ккаккан бувну бур гъашину.  
Дуссарив жучIара миксса  
кашив?**

Дуссар. Цалчин бувчин  
аьркинссар паччахIлугърал  
политика дотациярду чан дур-

ну чачIара дучIаймур гъарза  
дансса душиву. Мунишала  
жучIара къадитайсса налогир-  
ттал батIагу хъунма буллау  
бур.

КIилчин, районалий, шя-  
раваллаву давуртту дан ччар-  
ча арцул луртан дикIан багъ-  
лай бур. Ми халкъуннал багъу-  
бизу, ахIвал ххуй бан ишла  
дайсса арцури.

ДукIунин халкъунная на-  
логру датIин ваксса чялиш  
буккаву къадайссия. Утти цуя-  
ца ишбажаранчи, пишакар,  
дахху-ласу дуллалима налог  
къадуллау итан цIакъну къабу-  
чи буллау бур хлукуматрал.  
Налог къадулаву коррупция-  
лун, преступлениелун ккалли  
хъанай дур. Мунияту агъалинан  
бувчин аьркинссар, налог  
къадатIайсса хлукумат дакъа-  
шиву.

**Утти укунсса суал, жула  
республикалий 2016 шин  
баян бунни «Зунттал шин-  
ну». Мунияту жунма хлуку-  
матрал кумагру ххишала  
бантIиссарив, ягу жува шу-  
рунни аьркинсса?**

Республикалул кумаграх  
ялугълай бацIарча, лякъа къа-  
лахъантIиссар, барча хъина  
гъаксса. Ларгсса шин багъир-  
дал шинну баян бувну бивкI-  
шиву жунма кIулли. Жула хIа-  
рачатрайну, жула харжлугъра-  
цIух бугъансса мурхъругу ляв-  
къуну, 17,5 гектар багъирдал  
дугъарду. Гъашинугу мура  
даву интту дайдишинтIиссар  
ВицIхъиял махIлалий. Зунттал  
шинацIун бавхIуну района-  
лий дуллалиссар дансса давур-  
ттал программа. Ххал бан бур  
чув ризкилул ферма дан бюхъ-  
лай бурихI. Ххуйсса ферма  
тIиртIунни дукIу Оьллаарив  
Сулайманов Русланнул цала  
арцуцIух.

Багъру гъарза хъанай, ахъул-  
сса чIяру хъанан тIий дур. Ку-  
маг бавияв, чIарав бацIавияв  
ахъулсса ишла-каш дансса цех  
бансса инсан уккарча. Гъаши-  
ну Оьллаарив 25 гектарданий  
бугъантIиссар калан, нувши.

**Зунттал шинал шяра-  
валлавуна ххуллурдугу  
ххуй буллан аьркиннихха,  
муксса гуж буссарив жучIа-  
ва?**

Циванни бакъасса. Ларг-  
са шинал КIулушацIун, Ккур-  
клив, КIундив, Хъурхъив,  
Ури-Мукъарив, Хъунав, Къук-  
нив нанисса ххуллурдай чIя-  
русса давуртту дан бювхъун-  
ни, гъашинугу дантIиссар.

Республикалул програм-  
мардавун багъсса, ЯтIул ламу-  
лучIату Вачциял чулухунмай  
нанисса ва ШавкIрату ЧIяв  
нанисса ххуллурдаха зузиссар  
гъашину.

ШавкIуллал къурату Ца-

рав нанисса ххуллийх асфалт  
бутIинтIиссар. Амма цумур  
дунугу даву федерал програм-  
мардаву, республикалул про-  
граммардаву дур увкуну жува  
хъирив буклай, хъунмасса за-  
хIмат къабарча дувзрайн къа-  
дуккай.

Амма, цалттигу учин, ва  
шинаву жунма аьркинну бур  
хъунмурчIин шяраваллил хо-  
зйстволул масъалартту хъхъи-  
чунмай бан. Ххуйсса ца да-  
вуну хъанахъиссар Ккуркул-  
лал аьрщарай ВицIхъав ризкъи  
биххайсса, дикI ядайсса цех  
баву. Мунияту, Къукнив, Гъун-  
чIукъатIув, КIямашав кун-  
масса ризкъи буч бай кIанттур-  
ду бан аьркинссар цаймигу  
шяраваллаву.

**Ххуллурду бакъассагу,  
агъамсса строителстволул  
объектру хъунни района-  
лий ларгсса шинаву. Маса-  
ла, ххаллисса 60 оьрчIанса  
садик, паркираву балгуса  
спортрал майдан, бюд-  
жетрал арцул кIапIикI  
харж къадурну бакъин бул-  
лалисса Гъумуксса ядигъар  
Хъунбяр ва цайми. Мукун-  
на -халкъунал дух, чачIун  
шаву гъаз дансса шадлугъ-  
ру. Цинянууа кIицI къалаг-  
ланна. Цуми давуртту дир-  
чIри инава хъул бивхъуну  
ивкIун 2016 шинаву бакI-  
уйн дуккан дан къархъусса?**

Яла ттунма бувну къутал  
хъуну ччисса кIира строите-  
лстволул объект къуртал бан  
хъанай бакъар: **Школа ва  
больница.** Ми дур республи-  
калул программардавусса да-  
вуртту республикалул маэшат-  
рах, кризисрах, санкциярдах  
бурувгун дачин дан захIмат  
хъанахъисса. Цуксса нава хъи-  
рив уклау унугу ва кIантту  
шаллу хъанай бакъар. Амма  
уттигъанну хушрай хъуна авкъ-  
уссияв республикалул БакIчи-  
нашал. Мунал ттула хъхъичI  
къулбас дурунни ва РД-лул  
Хлукуматрайн гъан бунни Гъу-  
муксса школа баву тIалав дул-  
лалисса чагъарданий.

Утти мартрайгу дуссар му-  
нашалсса официальнойсса  
хъунаакъаву. Миккугу та-  
вакъю банна.

**Рисалалувугу кIицI бун-  
ни, укунмагу муданнасса  
къулагъас дикIан багълай  
бур жагъилтурал, студентъ-  
турал чулухуннай, ми да-  
вурттахун бичаврил цIаний.  
Гъашину ци дансса пикри  
бур миннашал?**

Март зурул 20 хъуннин Ма-  
хIачкъалалив чачIун батIинтI-  
иссар жула школарду къур-  
тал бувсса студенттал, жагъ-  
илтал. Отличнейну дуклаки-  
са студенттуран бахшишу,  
грамотарду дулунсса пикри

бур, концерт ккаккан дантIис-  
сар. Районалий циксса чIя-  
вусса жагъилтал бурихI мук-  
са гуж хъунмассар. ХIарачат  
буллалиссару ми жаваблыв-  
са давурттай зузи бан, 30%  
депутатътурал жагъилминная  
бур. Жагъилсса коллектив бур  
МФЦлий, МЧС-рай.

**Агъамсса бутIа Рисала-  
луву буллуну бия коррупци-  
ялушал талатаврив, муни-  
цIун бавхIуну ци учивияв?**

Мяйжаннугу му соци-  
альнойну оьккишиву духлаган  
дан чарабакъашиврихI дюъ  
дихълай ур Республикалул Ба-  
кIчи. МуницIун бавхIуну був-  
сса комиссиягу буссар, ттула  
заместительтурайн, жаваблыв-  
сса зузалтрайн, каялушиву  
дуллалиминнай баян бувссар  
коррупциялуцIун бавхIусса  
ца бунугу иш бувма даврия  
мурахас хъунтIишиву. Грант-  
ру дулайнигу, аьрщарал масъ-  
аларттаву, цайми иширттаву-  
гу лулттурасса ларсун бачин  
бувсса масъала цукунчIав къа-  
итабакъинтIишиву.

Агар агъалинан мукунсса  
иширая кIул хъурча тавакъю-  
ри къюлтIну бикIу, аьлттуну  
бикIу ттун баян баву.

**ЦIанасса чIумал чачун  
властьрал структуралуву,  
школарттай, бюджетирт-  
тайсса идарарттай, федерал  
органный зузалтрал оптими-  
зация даву, ми чан баву тIа-  
лав дуллау бур. ЖучIара ци  
тагъар дуссар?**

Ттунма яла къаччимур му  
масъалар. Укуннагу чIирисса,  
зузи кIанттурду ххишала бан  
ччисса, агъалинал маэшат чан-  
сса районалий зузалт давур-  
тту дакъа личIан буллалаву  
шин ччанссар. Амма чIун му-  
кунсса дуркIун дур, санкцияр-  
дайн, кризисрайн бувну, навт  
къювкъуну кIюла дуклай дур  
паччахIлугърал аваданшиву,  
чан хъанай дур бюджетрал  
арцу.

Бюхъавай районалий зу-  
залт чан бан къабавцIуссару  
вайксса шиннардий. ЦIанасса  
чIумал школарттал бухгалтер-  
тал мичча мурахас бувну, чач-  
Iусса бухгалтериялий ми чан  
бан багълай бур.

Уттинин жува кIункIу  
барчагу вай школарттая мура-  
хас бувну бивкIссар дукIу-  
кIулссанува цайми районнай.  
Масала, Лавашав, Ккулув ва  
м.ц. Му чарабакъашиврихI да-  
вури. Рисалалуву Республика-  
лул БакIчинал чIурчIав дун-  
ни шяраваллаву тIикъатIа-  
йсса, инсантал къабуххайсса  
библиотекарттугу, культуралул  
идарарттугу ссан аьркинссар  
тIий. Му тIагу тIайлар. Муни-  
яту, масала, школарттайссагу,  
шяраваллавууцагу библиоте-

картту чачIун барча тIайлас-  
са оптимизация хъунссия. Жу-  
чIава бур 16 шяраваллил, 16  
школалул библиотекарду.

АцIа оьрчIаяр чан бакъас-  
са оьрчIру бусса школарду  
лакьин къабацIантIиссару.  
КIия-шама оьрчI дуклакисса  
школалий аьркинсса даража-  
лул кIулушивуртту дулун къа-  
шайссар. Гъумучиял школалий  
интернат тIитIинтIиссар, ли-  
цейраву зий бур, аьркинсса  
кIанттай цайми школардайгу  
тIитIинну.

**Юсуп ХIамидович, шя-  
раваллил хозяйстволува ца  
яла захIматмур масъала  
аьрши мюнпатну ишла дав-  
рин кIура бавну бур. Ци бан  
багълай бур ва ишираву?**

Республикалул бакIчинал  
тасттикъ бай жула республика-  
лий аьрщарал реформа ца 20-  
25 шинал махъун дагъшиву.

Миккусса хIакъмур хIуч-  
ча, ттул пикрилий, бикIанссар  
зузи къадуллалисса аьрширду  
зерххуну, зузи дайнахъхъун  
дулаву. ЦIанагу закон дур му-  
нин кабакълакьисса. Амма ца-  
вайнахъсса аьршив цаймин-  
нахъхъун дулун ччай бакъар.  
Мунияту цалттигу СПК-рдал  
хъуниминнай, аьрши ларсмин-  
най дюъ дишинну, бувчин бан-  
ну аьрши ишла къадулларча  
миннуца хъунсса ххуллу тIит-  
втIуну бушиврий.

Хозяйствордал каялувчи-  
тал кувнишал -кув судирттайх  
шиннардий талай цахърасса  
аьрши хозяйстволуцIун утти-  
гу цIакъ къадурсса хозяй-  
створдугу дур жучIара -Къу-  
биял, Карашрал. Мукун заллу-  
шиву чIалачIи къадурсса аьр-  
ши зекъарххуну дитайссарив,  
туну!

Гъашину жула районалий  
буллансса чIава ГЭС-рал даву  
сукку хъун аьркинссар. Инве-  
сторнал дуллалисса даву дуну-  
гу му, цIана хлукуматрай дус-  
са тагъарданин бувну махъун  
дагълай дур. Районалин газ  
буцаврил даву дарцIуну дакъ-  
ассар, 1,5 километралул гъан  
хъуссар. Аьрасатнал Прези-  
дентгу, хлукуматгу дур шяра-  
валлаву газ буцан аьркин-  
шиврия буслай. Мунин бувну  
умуд бур ва даву бакIуйн дук-  
канссар тIисса.

**Ина барча ансса ца хIуч-  
ча хъуну бурхха, республи-  
калул БакIчинал Указрайн  
бувну вин дуллуну дур бюх-  
ттулсса бахшиш: Почетный  
знак «За любовь к родной  
земле».**

Ттун муния хавар бакъас-  
сия. РД-лул БакIчиналIасса  
районнал ва округирттал бакI-  
читурал Совет бавтIсса кIант-  
тай зунттал районнал шама ба-  
кIчинан му лишан дуллунни.

**Мунияр бюхттулссагу  
ларсун ккакканнав! Дулла-  
лимуниву ка бакъиннав,  
муниярду бусрав хъунсса  
къудрат, тIайлабацIу банав!**

*М. МУСАЛАЕВ.*



## «Лакрал район» МР-данул амру Кандидатътал личи бансса комиссиярду цлакь баврия

9 февраль 2016ш. №12-р

Райондалийсса шяраваллал МО рдал Уставирдайн буну ва шяраваллал Собраниердал заседаниерттал хлукмурдайн буну («Об объявлении конкурса на замещение должности главы сельского поселения района и форировании части конкурсной комиссии»), «Гъумучиял сельсовет» МО-рал депутатътурал Собраниелул 2016ш. февральданул 8-ний бувсса хлукмулин ва «Карашрал сельсовет» МО-рал депутатътурал Собраниелул 2016ш. февральданул 8-ний бувсса №1 хлукмулин буну ккакан дурссар шяраваллал поселениердал бакI читурал бувчI авуртту дан ва бивтуссар Конкурсерал комиссиялул бутIри:

1. Шяраваллал поселениердал бакI читурал къуллугъирттайнсса кандидатурарду личи дансса конкурсу сакин дан ва хъун даншиврул, цлакь бан укунсса комиссиярду, райондалийсса МО рдал бакI читал хъун ччиминнал кандидатурарду личи дансса:

1.1. «Гъумучиял сельсовет» МО рай:

1.1.1. Къюнуев Абубакар МахIаммадович, «Лакрал район» МР-данул администрациялул бакI чинал I-ма заместитель - председатель.

1.1.2. Гъазаева Байзанат ЖакIпаровна, «Лакрал район» МР-данул ШХ-лул ва экономкалул отделданул начальникнал заместитель.

1.1.3. Ашлишаев Муртазаабли Асланмирзаевич.

1.1.4. ХIусманов Малик Амирханович.

1.2. «Карашрал сельсовет» МО рай:

1.2.1. Чавтараев ХIажи ХIусайнович, «Лакрал район» МР-данул администрациялул давурттал управляющий - председатель.

1.2.2. Макъсудов Макъсуд Юсупович, «Лакрал район» МР-данул ШХ ва экономкалул отделданул специалист.

1.2.3. Исмаилов МахIаммад АблимахIаммадович.

1.2.4. Гъазалиев Гъазали ХIажимахIаммадович.

2. Документру къамулгу буну, ххалбигълагъини Конкурсерал комиссиярдан буручлан «О порядке проведения конкурса по отбору кандидатур на должность главы сельского муниципального образования» тIисса Положениерду. Ми цлакь бувссар шяраваллал Собраниерттал хлукмурду буну.

*Ю.ХI.МахIаммадов, «Лакрал район» МР-данул бакIчи.*

## Даудов МахIаммад-ХIажи Къурбан-МахIаммадлул арс

Уттигъанну, январьданул 11-ний ва дунияллия лавгунни ца уттигу дъявилул ветеран, «Буттал кIанттул цIанийсса дъявилул» ордендалун лайкь хъусса **Даудов МахIаммад-ХIажи Къурбан-МахIаммадлул арс.**

Ва увну ур 1922 шинал Гъунч-ЛукагIув хъузала кулпатраву. Буттал шяраву 7 классгу бувккуну, 1941 шинал увххун ур дуклан Гъумуксса педуцилишелувун.

КIилчинмур курсраву дуклакисса чIумал, 1942 шинал январьданий увцун ур дъявиллийн. Московуллал областьрай Сталиногорск шагърулий полкирал школагу бувккуну, снайпер хъуну ур. Гъан увну ур Белоруссиянал 2-мур фронтрайн снайпертурал отделданул командирну.

Тихун нанисса ххуллий Белгород шагърулий душманнал бичлачисса бомбардалун агъну, контузия хъуну, госпитальданий уттушин увну ур.

КIива зуруй хъин хъанайгу ивкIун, гъан увну ур Белоруссиянал фронтрайн. Мичча айивхъуну талай най, ивну ур Кенигсберграйн. Ххувшаврил къини хъунадаркъун дур микку.

Шавай зана хъуну ур 1948 шинал декабрьданий. Зий ивкIун ур Гъумук уголовный розыскрай. Шийва педуцилишегу къуртал буну, зун ивкIун ур учительну.

1969 шинал, заочныйну дуклай, къуртал буну бур ДГУ-рал историялул факультет, зун ивкIун ур историялул учительну.

КIамахъаллал къутаннай ванал хIарачатрай буну бур дянивмур даражалул школа интернатгу бусса. Гикку зун ивкIун ур директорну. 1970 шиннардий га бикIайва Лакрал райондалий яла низам ххуймур, марцIмур школа. Му кIицIла-гайва райондалия гилун лавгсса комиссиярдалгу.

Школалия лавгун махъ М-ХI. Даудов зий уссия Гъунч-ЛукагIрал «ЯтIул Тугъ» колхозрал председателъну. Шяравуминнал ва къутаннайминнал дянив ва хIурматрай икIайва. Уччингу нясив хъунни буттал шяраву.

Шяраваллил жамятралгу, райондалийгу МахIаммад-ХIажи мудан хIурматрай дакIнийн утавантI иссар.

Райондалул каялушиву дуллалими ва лакрал жамят.



### РЕШЕНИЕ от 8 февраля 2016 г. №1.

Заседания Собрания депутатов МО «сельсовет Кумухский».

**Об объявлении конкурса на замещение должности главы муниципального образования «сельсовет Кумухский» Лакского района и формировании части конкурсной комиссии по отбору кандидатур на должность Главы МО «сельсовет Кумухский»**

В соответствии п. 19. п/п. 1. п. 20 Главы 3 с Решения Собрания депутатов МО «сельсовет Кумухский» от 20.05.2015 г. №13 «Об утверждении Положения о порядке проведения конкурса по отбору кандидатур на должность главы МО «сельсовет Кумухский «Лакского района РД», заседание Собрания депутатов

#### РЕШИЛО:

1. Объявить конкурс на должность главы муниципального образования «сельсовет Кумухский» Лакского района Республики Дагестан.

2. Установить срок приема документов с 12 февраля по 4 марта 2016 г.

3. Первый этап Конкурса провести 4 марта 2016 г. в 11 часов.

4. Второй этап Конкурса провести 11 марта 2016 г. в 10 часов в здании администрации поселения.

5. Конкурс среди кандидатов на должность Главы МО «сельсовет Кумухский» провести на заседании Собрания депутатов МО «сельсовет Кумухский» 14 марта 2016 года в 11 часов в здании администрации поселения.

5. Условия Конкурса, согласно Главы 4 Положения о порядке проведения конкурса по отбору кандидатур на должность главы МО, утвержденные Решения Собрания депутатов МО «сельсовет Кумухский» от 11.06. 2015 г. №5 и бланки документов опубликовать на официальном сайте Лакского района.

5. Согласно п.7. Главы 2 решения Собрания депутатов МО «сельсовет Кумухский» от 20.05.2015 г. №13 утвердить половину состава членов комиссии в следующем составе:

5.1. Алишаева Муртазали Асламирзаевича;

5.2. Осмапова Малика Амирхановича.

6. Копию Решения направить Главе МР «Лакский район» для формирования второй половины конкурсной комиссии.

Председатель Собрания депутатов  
МО «сельсовет Кумухский»

Макаев А.Г.

### РЕШЕНИЕ от 8 февраля 2016 г. №1.

Заседания Собрания депутатов МО «сельсовет Карашинский».

**Об объявлении конкурса на замещение должности главы муниципального образования «сельсовет Карашинский» Лакского района и формировании части конкурсной комиссии по отбору кандидатур на должность главы МО «сельсовет Карашинский»**

В соответствии п. 19. п/п. 1. п. 20 Главы 3 с Решения Собрания депутатов МО «сельсовет Карашинский» от 11.06. 2015 г. №5 «Об утверждении Положения о порядке проведения конкурса по отбору кандидатур на должность главы МО «сельсовет Карашинский «Лакского района РД», заседание Собрания депутатов

#### РЕШИЛО:

1. Объявить конкурс на должность главы муниципального образования «сельсовет Карашинский» Лакского района Республики Дагестан.

2. Установить срок приема документов с 12 февраля по 4 марта 2016 г.

3. Первый этап Конкурса провести 4 марта 2016 г. в 11 часов в здании администрации поселения.

4. Второй этап Конкурса провести 11 марта 2016 г. в 10 часов в здании администрации поселения.

5. Конкурс среди кандидатов на должность Главы МО «сельсовет Карашинский» провести на заседании Собрания депутатов МО «сельсовет Карашинский» 14 марта 2016 года в 11 часов в здании администрации поселения.

5. Условия Конкурса, согласно Главы 4 Положения о порядке проведения конкурса по отбору кандидатур на должность главы МО, утвержденные Решения Собрания депутатов МО «сельсовет Карашинский» от 11.06. 2015 г. №5 и бланки документов опубликовать на официальном сайте Лакского района.

5. Согласно п.7. Главы 2 решения Собрания депутатов МО «сельсовет Карашинский» от 11.06. 2015 г. №5 утвердить половину состава членов комиссии в следующем составе:

5.1. Исмаилов Магомед Алимагомедович;

5.2. Газалиев Газали Гаджимагомедович.

6. Копию Решения направить Главе МР «Лакский район» для формирования второй половины конкурсной комиссии.

Председательствующий  
Депутат Собрания депутатов  
МО «сельсовет Карашинский»

Курбанов К.О

Учредитель:  
Администрация  
МО «Лакский  
район».  
Учредитель:  
«Лакрал район»  
МОлул  
администрация

Главный редактор  
**М. М. Мусалаев**  
Ответственный  
секретарь  
**К. М. Курбанов**  
Корреспондент  
**Кь-И. Амиров**

Опер.компл.набора  
**Р. И. Джалаева**  
Тех. редактор  
**А. М-Р. Абакаров**

Адрес редакции:  
**368360**  
**Республика**  
**Дагестан**  
**Лакский район**  
**с. Кумух.**  
Телефон: **3-44-56**

**Газета набрана и  
сверстана на компью-  
терной базе редакции га-  
зеты «Заря» и отпеча-  
тана в ГАУРД «Издатель-  
ский дом» «Дагестан»**  
Адрес:  
г. Махачкала  
Пр.Насрутдинова, 61.

Срок подписания  
в печать 17.00  
Подписано в 16.00

**Газета выходит  
в неделю 1 раз.**  
Индекс: 51359.  
Тираж 887 экз.  
Цена: 2 руб.

Газета зарегистриро-  
вана Региональным уп-  
равлением регистрации и  
контроля за соблюдением  
законодательства РФ о  
СМИ и печати в РД Гос-  
комитета РФ по печати.  
Регистрационный ПИ  
№ 104561.

Позиция редакции  
может не совпадать с  
точкой зрения авторов,  
которые несут ответ-  
ственность за достовер-  
ность и объективность  
представленных для  
публикации материалов.

## Культура

Семинар совещание  
хьунни

Райондалул ЦТКРН-дали (культуралул центр) хьунни зузалтрашалсса семинар - совещание. Муний гьуртту хьунни шяраваллавусса культуралул учреждениердал ва библиотекардал зузалт. Му бачин бувну бия центрданул хьунмур Л.Курбанова.

Цусса шин культуралул зузалтрал хьундаркьунни кьурчину. Члярусса шин-нардий дакIнийхтуну цила даву шаллу дулла бивкIсса Аьшат Хизриева ва мунил лас Юсуп ва дуньяллия лагаву культуралул зузалтрал дакIнийн шуну бия. Гай дакIнийн бивчуну, циняв зузалт ца минутIрайсса пахь багьуна, яла архIал зий бивкIминнал гайнная ххуйсса махьру укуна.

Амма, оьрму най бур, культуралул зузалтрангу зун багьлай бур, пландали ккаккан дурсса сала дауртту дулла.

Семинардайн бавтIсса зузалт Л.Курбановал кIул бувна ноябрьданул ахирданий культуралул министр Зарема Буттаевал бувсса докладрашал. Му докладравасса агьамсса кланттурду РД-лул Президент Р.АьдуллагIповлул хьинчулий ккаккун бур ва кьаст дурну дур:

-культуралул учреждениерду зукьазисса кланттурдай ми лакьин;

-лекьлакьисса, хья-хья кусса чIиртту бусса, зун ни-гьачIаву дусса кьатравусса

культуралул учреждениерду лакьин;

-аьркинсса кьай-кьуй, инструментру бакьасса кланттурдай культуралул учреждениерду лакьин;

-кIукI дуклакисса магьив дусса кьатравусса ва тIикьатIлатIсса библиотекарду лакьин.

Укусса даву клантту - кланттурдай дан ккаккан бувну бур финотделданул, ЖКХ-лул, администрациялул ва культуралул зузалтрая сакин хьусса комиссиярду бувну.

Л.Курбановал мукумма бувсунни, чIал кьавхьуну, март зуруй, хьхьичIмур шиннал кунма, ккаккан бувну бушиву культуралул зузалтрал республикалул концерт дан. Жувагу, шала райондалул культуралул зузалт цачIун хьуну, му концертрайн лайкьну хIадур хьунсса даву дайдишин багьлай бушиву бувчIин бунни.

Хьирив культуралул зузалт кIул бунни шала шиннал мутталий дулла аьркинсса даурттал пландалушал.

*Р.МАХIАММАДОВА,  
ЦТКНР-данул методист.*

## Зузалам захIмат буруччаврия

Агьли даурттал шаллу байсса центрданин чIявуну бучIай цIухлай захIматрал хIакь булаврия, захIматрал кьутIиччаврия, булун багьсса отпускардай тIайла буккаврия ва м.ц. *БувчIин бана цаппара кланттурду.*

Цукун оформить байссар зузалтран булун багьсса (вынужденный) отпуск. Булайссарив му чIумуву захIматрал хIакь. Мукумма финансирттал сеуссукушуву дусса чIумал захIматрал нюжмар чIири дайссарив?

Аьрасат Федерациялул Агьли захIматрал ва социальныйну буруччаврил Министерстволул кьамул бувну бур хIукму (27 июнь 1996 шин, №40), цивугу дурсса бучIинбавуртту вынужденный отпускру ци чIумал ва цукун булайссарив. БувчIин булла бур захIматрал хIакь кьабулайсса отпускругу зузалтран булайшиву, так зузалам цалла хушрай чивчусса аьзирайн бувну (кулпатрал вивсса ва цаймигу чарабакьасса ишру бухьурча). Мунияту, даву дулултран цуксса ччарчагу, захIмат буруччаврил законодательстволул вынужденныйсса отпускарду захIматрал хIакь кьабулайсса ккаккан бувну бакьар.

Агарда, зузалам захIматрал кьутIилин бувну, сала даврил буржру цивипа кьасавану биттур бан кьабюхьлай бухьурча, му тагьар простойран ккалли дайссар. Му чIумувугу зузалан захIматрал хIакь булун буржлувссар. ЗахIматсса финансирттал тагьар дуну, хIакь булунсса арцу дакьашиву - му давулултрал жаваб дулун аьркинсса ишну ккалли хьанахьиссар. Зузалам захIматрал кьутIи цIакь дурну духьурча, давулулт буржлувссар захIматрал хIакь булун (ст.56 ТК РФ). Аьрасат Федерациялул Конституциялул (ст.37) ккаккан бувну буссар зузалам ихтиярду, ва дурсса даврил хIакь булун чарабакьа аьркиншиву.

Организациялий, учреждениялий оьмма бацIаву (простой) ци сававрттайн бувну хьанахьиссарив, му дайдирухьусса чIун ва цуксса хIаллай лахьи гьантIиссарив ккаккан бувну байссар распорядительный документ.

ЗахIматрал кьутIилул чарабакьа ккаккан дайми шартIруну хьанахьиссар гьарца зузалансса захIмат баврил кьайда ва игьалагьисса чIун (ст.57 ТК РФ). Мунияту, агарда давулултрал сипталн бувну захIматрал шартIру даххана дулла бухьурча, чагьарданий чивчуну зузала кIул ан буржлувссар кIива зурул хьхьичI, дуллалисса дахханашивурттал, ми дахханашивуртту дулла байбишиннин. (ст 74 ТК РФ).

Давулултрахь ихтияр дур производстволул чарабакьашиву духьурча, зузала ца зуруйсса, захIматрал кьутIилий дакьасса, гара организациялува цамур даврий зузи ан. Миккугу хьхьичIмур кьуллугьрай бивкIсса харжираял лагьсса харж булун бучIину бакьар. Цува зий ивкIсса кьуллугьраял лагьсса квалификация дусса зузи кIанайн гьан ан бучIину бур, так зузалам цува рязину чивчусса заявениелин бувну.

**ТКУ РД ЦЗН в МО «Лакский район».**

## Преступлениердая, административный право зия даврия, хьусса иширттаясса аьзри ва баянбавуртту кьамул даврил, регистрация даврил ва ххалдаврил низамрая

(Дайдихьу 5 ном.)

ЦIа кьачирчусса аьзрирай, баянбаврий чивчумургу, миннуй чивчумур дан хIадур хьанахьима, дуллалима ва дурмагу ва низамрай кIицIлавгьсса куцуй ххал кьабайссар.

МВД-лул кланттул органдали каялушиву дуллалиманал (начальникнал) хIукму бувну, мукум цIа кьачирчусса аьзри ва баянбавуртту ва ми ххалбивгьусса материаллу гьан дайссар кланттул органдалул хасьсса бутIрайн, ккаккан дурсса низамрай оперативно-розыскной давриву ишла даншиврул. Административный право зия дурсса ва хьусса иширттаясса аьзри ва баянбавуртту ва ми ххалдиргьусса материаллу тIурча дишайссар КУСП-рашал дикIайсса номенклатуралул делолулу.

Агар цава ца иширайн бувну кIива ягу ххишаласса аьзри (баянбавуртту) бучIарча, ххалбигьавуртту дурну, муний чивчумур тIайласса лякьирча, ми циняв аьзри, КУСПрай регистрация дурну махь, кланттул органдали каялушиву дуллалиманал хIукму бувну, цачIун байссар цалчинмур аьзрирашал.

Муния баян байссар аьзра чивчуманан.

КУСПрай аьзрал, баянбавурттал регистрация дайссар кланттух кьабурвугун мугьлат бакьа ва шала гьантлул мутталий дежурный частирдай.

Агар аьзри ва баянбавуртту ххалбигьаву виваллил иширттал органнайн кьабагьлай бухьурча ягу, ми органнайн багьлай буну, цамур кланттул органдали дагьлагьисса аьшарай хьуну бухьурча, циняр материаллу, КУСПрай регистрация дурну махь дулайссар:

1. Преступлениелаясса аьзрирашал (баянбавришал) - силистта ягу дознание дайсса цамур органдали УПК-лул 151-мур статьялийн бувну. Уголовный делордайн багьайми тIурча, УПК-лул 20-мур статьялул 2-мур бутIлуйн бувну - судрайн.

2. Административный право зия давриясса, хьусса ишираясса аьзрулашал (баянбавришал) - паччахIлугьрал органдали, кланттул самоуправлениелул органдали, организациялийн ягу кьуллугьчинахьхьун, му ци иширайн багьлай бурив бурувгун. Ягу, хьусса кланттух бурувгун му

кланттайсса МВД-лул органдали. Мунишала архIал претспулеие ягу административный право зия даву хьун кьадитансса, преступление хьусса клану бурччинсса ххуллурду ласайссар.

Дежурный частьрайсса оперативный дежурныйнал, аьзра чивчун увкIманая мугу кьамул бувну, КУСПрай мунил регистрациягу дурну, аьркинссар талон хIадур дан кIива бутIлуйсса: талон - корешок ва талон - уведомление - кIивагу регистрациялул ца номер бусса.

Аьзри ва баянбавуртту преступлениердаясса бухьурча, ми ххалбигьин аьркинссар УПК-лул 144, 145-ми статьярай ккаккан дурсса низамрай (3-ния 30 гьантлул мутталий).

Административный паво зия давриясса аьзри ва баянбавуртту ххалбигьин аьркинссар РФ-лул КоАПрайн бувну. Ми ххалбигьавил чIун дайдишайссар КУСПрай миннул регистрация дурния тихуннай, ккаккан дайссар МВД-лул кланттул органдали каялушиву дуллалиманал, 2006 шинал майрал 2-ний кьамул дурсса №59-ФЗ Федерациялул закондалул 8-мур статьялул 3-мур бутIлул ва

12-мур статьялул тIалавшиннугу хIисавравун ларсун («О порядке рассмотрения обращений граждан РФ»), мукум РФ-лул КоАП-рал 4.5 статьялий ккаккан дурсса административный жаваблвшиндарайн клункIу аврил чIунгу дурурччуну.

Аьзри ва баянбавуртту хьусса иширттаясса бухьурча, ми ххалбигьайссар МВД-лул кланттул органдали каялушиву дуллалиманал ккаккан дурсса чIумуй, кIара закондалул кIайва стьярдал тIалавшиннугу хIисавравун ларсун (30 гьантлул мутталий).

Преступлениердаясса, административный право зия давриясса, хьусса иширттаясса хIукмурдал информация ми хIукмурду бувну 24 ссят кьаларгун гьан байссар чивчуну ягу электронный документрал журалий аьзра чивчуманачIан. Аьзра чивчуманан муний бувчIин байссар мунахь ихтияр душиву му хIукмулушал кьарзийсса аьзра чичин ва му чичаврил низам.

**Ю.Р.АМИРОВ, Аьрасатнал  
МВДлул «Лакский» МОлул  
начальникнал кIанайма,  
полициялул подполковник.**